



# INS-P006-INVESTIGATING REPORTS OF STUDENT HAZING, HARASSMENT, INTIMIDATION, BULLYING, CYBERBULLYING, MENACING, AND TEEN DATING VIOLENCE

## NAPANAP IKÄ ÓTÓÓT

### FĒFFĒRÛN

#### MANNAPEN PWORÓUS

Ei napanap ikä ótóót a äwewei ussun tettenin angangen otutur me chosani angangen eriaffou, osukosuka, eniwokus, afani me mesäni emen wón computer, me kawet mei fis nón än seräfë nefin, mei fis ngeni chón sukuun. Ewe napanap ren oturu me chosani angangen osufënüngawa inisin emën chón sukuun a makketiw nón ewe INS-P032. Ewe napanap ren oturu me chosani fëffërÛn eimwumwu me ekkewe esisin fäniten koput ina mei mak nón ewe ADM-P010.

#### ÄWEWEN FÓÓS

##### STAT

Student Threat Assessment Team (ew kumi ra wisen nengeni ew angang mei eniwokusu emën chón sukuun)

##### SIRC

Sexual Incident Response Committee (ew mwiich nón sukuun ra nengeni me fëri met sókkun mwëkütüküt mei murinnë repwe fëri ngeni emën chón sukuun mei pomweni pwoom mei ennioput me osukosuk)

##### SPP

Suicide Prevention Protocol (Napanap fäniten eppetä än emën esapw pusin angeiano manawan)

#### IEI USSUN FĒFFĒRÛN

1. Meinsin otutur epwe nó ngeni ewe principal won ekkei pwopwun- äsäwa ika eriäni, osukosuka, enniwa, afani, mesäni wón kompiuter me ikä enniwa.
  - a. Meinsin chón angangen nón ewe sukuun, repwe apworóusa ngeni ikä makkei ar otutur ngeni meinapen nón ewe sukuun faniten ekkei fëffër ren eriäni, osukosuka, enniwa, afani, mesäni wón kompiuter, eniwokusu me ikä kawet me echimw nón an seräfë nefin (dating).
    - i. Ekkena otutur epwe feito seni met ewe chón angang a akkatona, seni ekkewe pworóus mei angei seni chón sukuun ikä sam me iin, ikä seni pwan ekkóch neni.
  - b. Epwe wor pesepes ngeni chón sukuun ar repwe fëri ew ekkei mei mak fan ikä pwe mei wor ar ëürecki ikä noninen fäniten ekkei- kawet me echimw nón an seräfë nefin (dating), eriäni, osukosuka, enniwa, afani, afani ikä mesäni wón kompiuter, ika enniwa:
    - i. Amasowa ewe Confidential Student Report a nómw nón ewe office nón ewe sukuun ikä me nón ewe counseling center; ikä fen
    - ii. Chuuri ewe principal, kisin principal, counselor, behavior specialist ikä pwan emën chón angang mei wor ómw nükünük nón me nón ewe sukuun ikä pütäi; ikä
    - iii. Ngeni SafeOregon Tipline ómw na otutur; Këri ikä mak ngeni 844-472-3367, email tip@safeoregon.com ikä nó ngeni www.safeoregon.com. En mei tongeni kosapw pwan pwäri itomw ómw fëri ómw kana otutur.
  - c. Sia pese ngeni ekkewe chón tümwünü chón sukuun me chóchón nón ewe kinikin ar repwe chuuri ewe meinap nón ewe sukuun ren ar repwe otoura ngeni ar kewe nanangaw. Me nón ewe ADM-P008, a affata pwe ese pwan nifinifin ië aramas mei tongeni mak nëün taropwen nanangaw a wanong.
2. Wisen ewe principal an epwe chosani iteiten otutur mei katonong fäniten ekkei fëffër: kawet nón än seräfë nefin (dating), eriäni, osukosuka, enniwa, afani, me mesäni wón kompiuter, ika pwe mei euehea, mei tongeni an epwe pwan fini emën aramas ikä fen ekkewe ekkóch chón angangen nón ewe kinikin ar repwe ënükünükü pwe ekkei tetten mei makketiw, mei fis:
  - a. Këri ponis ikä ke mefi pwe emën mei fëri och mettóch mei atai ënnük, ussun chëk ren kirikiringaw ngeni semirit, kawet, ikä atai pisekin sukuun. Nge esapw chëk ikkena pwe mei chómmóng.

- b. Ää mwochomwochen kókkót ren iei minne epwe anisi ne enükünükü tümwünün ekkewe chón sukuun nupwen iir mei nómw wón chosa.
  - c. Poputáni ne ää ekkewe napapan ika emwen ren ewe student threat assessment (STAT), sexual incident response (SIRC), ikä suicide prevention protocol (SPP).
  - d. Esine ngeni ewe chón akkóta ewe Title IX ikä pwe ewe otutur wón na féffër mei atai ewe Title IX.
  - e. Esine ngeni ewe a wisen akkóta ikä tümwünü pekin waa nón än ei kinikin we pütäin waa ikä pwe ewe mettóch e fis me wón ekkewe sein ei kinikin ikä meren ew ekkewe nenien sousou bus.
  - f. Isóni taropwen nanangaw meinisin, pachonong taropwen ewe angangen chosa.
3. Angangen chosa:
- a. Etitina ekkewe chón sukuun mei fisi ngenir, ekkewe meimwuk iir mei kuna atun an fis, chón pwáratá, me pwan ië kewe ewe principal ikä ewe mei finitá e ekieki pwe mei fich ngeni.
    - i. Epwe imwunó angangen etitin ngeni ekkewe aramas mei fis ngenir me ekkewe mei tongeni repwe pwáratá (äwewe, repwe etittina emën me emën wón an, nge resapw ochur ne kapaseis ngenir). Ekkei non ei kinikin, esapw wewen pwe re pinei än sam me iin ikä ewe chón tümwün repwe nómw nón ew etitin fäniten nëür we chón sukuun.
    - ii. Ewe chón chosa esapw pwon pwe pworóusen ewe aramas a wisen fëri ewe otutur epwe chëk mwónómwón, nge ewe Kinikin epwe achocho ngeni pwe esapw pwáuu. Nón ekkwan fansoun epwe feito, pwüngün ënnük me ekkewe etipe-ew nefinen ewe chón angang me an we union repwe ëücheani ar repwe angei pworóusan.
4. Ewe principal epwe enükünükü pwe epwe wor esinesin ngeni ekkewe sam me iin ikä chón tümwün minne nëür we chón sukuun mei churi ekkei féffër ren, eriäni, osukosuka, enniwa, afani, kawet nón än seräfé nefin, afani ikä mesäni wón kompiuter, me pwan esinesin ngeni semen me inen ikä chón tümwünü ewe chón sukuun e fëri ekkei féffër.
- a. Ewe chón sukuun mei feiengaw ren ekkei féffër: eriäni, osukosuka, enniwa, afani, mesäni, kawet mei fis nón an seräfé nefin ikä féffërün mesäni wón kompiuter, epwe nómw nón ei angangen esinesin- fiti fengen me ekieki met kewe mei ëüchea ngeni, tori mefier.
  - b. Ese ëüchea an epwe wor esinesin ikä pwe mei wor popun ewe principal e nükü pwe ewe esinesin epwe fen efeiengawa ewe chón sukuun mei fis ngeni ekkei féffër ren eriäni, osukosuka, enniwa, afani, mesäni, kawet mei fis nón än seräfé nefin ikä féffërün mesäni wón kompiuter me ikä pwe meinisin ekkei mei makketiw fan mei fis:
    - i. Ewe chón sukuun e fis ngeni ekkena féffër e tungór pwe esapw wor esinesin ngeni saman me inan ikä ewe a wisen tümwünü;
    - ii. Ewe principal e ekieki pwe ikä e wor esinesin iwe epwe fen watteno feiengawen ewe chón sukuun mei fis ngeni kanan féffër;
    - iii. Ewe principal epwe apworóusa ngeni ewe chón sukuun pwe fän nürün ënnükün mwunap, inan me seman ikä ewe chón tümwünü iir mei tongeni katon nëün taropwen sukuun pachonong ese nifinifin tungór mei kawor ussun met mei affat me nón ei kinikin.
  - c. Ikä ese wor met ewe principal e ekieki, ussun met nan mei affat me nón enan 4.b., iwe epwene akkoumw esine ngeni ewe chón sukuun pwe ii ewe principal epwene awora esinesin ngeni saman me inan ikä ewe chón tümwün.
  - d. Nupwen epwe wor esinesin me fän ei kinikin, iwe ena esinesin epwe fis:
    - i. Nón ew fansoun mei weweöch ngeni; ikä fen
    - ii. lei chëk, fäniten ekkewe mwëkütüküt mei awora feiengaw ngeni ewe chón sukuun.
5. Nesópwonón ewe chosa, ewe principal ikä ewe a finitá epwene:
- a. Esinesin ngeni ewe chón sukuun ussun pwüngün ewe chosa, me ikä mei weweöch ngeni, iwe pwan saman ewe me inanwe ikä ewe chón tümwün.
  - b. Poputa ne ää napanap epwe siwini met ewe mei feiengaw me ikä emmirit ussun met mei makketiw me nón ewe District's policy and procedures ngeni ewe chón sukuun e atai ewe District's policy wón eriäni, osukosuka, enniwa, afani, mesäni wón kompiuter me kawet mei fis nón an serafo nefin ussun met mei makketiw nón INS-A003.

## MEI WENEITI

- Chón angangen SKPS me chón sukuun

## EKKWE EKKÓCH TAROPWE MEI RIRI NGENI

- INS-A003- Student Hazing, Harassment, Intimidation, Bullying, Cyberbullying, Menacing and Teen Dating Violence
- PAP-A001- Child Abuse and Sexual Conduct
- ADM-P008- Complaints, Public: Process for Resolving
- INS-F030- Student Report of Harassment and Bullying
- ADM-P010- Investigating Reports of Bias Incidents and Symbols of Hate

- INS-P032- Investigating Reports of Sexual Harassment: Students

### **CHÓN ĒPWÜNGANÓ**

- Deputy Superintendent

### **PWORÓUSEN ATUN AN SIIWIN**

- 09/04/2013 Ewe fóós designee a kapachonong non ei kinikin 2.3 me pwan äkkäkis fóós mei siwin.
- 10/10/2014 - Apachata Sec 4.4 Ref ngeni Confidential Student Report
- 06/03/2019 - Siwini kinikin 2.1 me 2.2 an epwe mase ngeni ekkewe minafën ënnük me angangen otutur
- 12/08/2020- Pachonong pworóusen ADM-P010; a wor ekkesiwin ngeni 2.1.1, 2.3.1.1, 2.3.1.2 and 2.4.2
- 07/26/2021 – Appachatä ew minafën kinikin (2.4) ewe mei mak tettenin angangen awora esinesin ngeni sam me iin/chón tümwün.
- 09/20/2021 - Kinikin 2.2.3. a siwin an epwe mase ngeni ewe ëürëür fäniten eppetä än emën esapw pusin angeianó manawan.
- 03/26/2026 - Teen Dating Violence a pwan kapachonong nón unusen ei napanap, esinesin ren ewe Title IX Coordinator a mwëküt ngeni ew template mei mecheres.